

UNIVERSITI TEKNOLOGI MALAYSIA

UTM.J.03.01/10.12/3 JLD. 2 (30)

1 Februari 2024
20 Rejab 1445

PEKELILING BENDAHARI BIL. 1/2024

PENGECUALIAN TATACARA PEROLEHAN BAGI DANA PENYELIDIKAN UNIVERSITI TEKNOLOGI MALAYSIA

Sukacita dimaklumkan bahawa Mesyuarat Lembaga Pengarah Universiti Bil.129 pada 13 Disember 2023 telah meluluskan cadangan untuk menerima pakai Pengecualian Tatacara Perolehan bagi Dana Penyelidikan mengikut kesesuaian Universiti.

2. Melalui kelulusan pemakaian Pengecualian Tatacara Perolehan bagi Dana Penyelidikan, Pekeliling ini dikeluarkan kepada semua Ketua Pusat Tanggungjawab (PTJ) untuk melaksanakan tatacara perolehan seperti yang telah digariskan.

3. Sehubungan dengan itu, seluruh warga Universiti yang terlibat diminta mengambil maklum dan mengguna pakai Pekeliling tersebut seperti di lampiran dan boleh dimuat turun di laman web rasmi Jabatan Bendahari <https://bursary.utm.my>. Tarikh berkuatkuasa adalah mulai tarikh pekeliling ini dikeluarkan surat ini sehingga **31 Disember 2024**.

Sekian, terima kasih.

"MALAYSIA MADANI"

"BERKHIDMAT UNTUK NEGARA KERANA ALLAH"

Saya yang menjalankan amanah,



(ABU BAKAR BIN MOHD SALLEH@AHMAD)

Bendahari
Universiti Teknologi Malaysia

- s.k. - Naib Canselor
- Timbalan Naib Canselor (Pembangunan)
 - Timbalan Naib Canselor (Penyelidikan & Inovasi)
 - Timbalan Naib Canselor (Akademik & Antarabangsa)
 - Timbalan Naib Canselor (Hal Ehwal Pelajar & Alumni)
 - Pro Naib Canselor Kampus UTM Kuala Lumpur
 - Pengarah Kampus Pagoh
 - Pegawai-Pegawai Kanan/Dekan/Pengarah



PEKELILING BENDAHARI BIL. 1 TAHUN 2024

**PENGECUALIAN TATACARA PEROLEHAN
BAGI DANA PENYELIDIKAN
UNIVERSITI TEKNOLOGI MALAYSIA**

**JABATAN BENDAHARI
UNIVERSITI TEKNOLOGI MALAYSIA
24 JANUARI 2024**

Tel: +(6)07-5533333 Faks: +(6)07-5579887 <https://www.utm.my/>
Emel: bendahari@utm.my

Ruj.Kami : UTM.J.03.01/10.12/3 JLD. 2 (30)
Tarikh : 1 Februari 2024

PEKELILING BENDAHARI BIL. 1 TAHUN 2024

Timbalan Naib Canselor (Pembangunan)
Timbalan Naib Canselor (Penyelidikan & Inovasi)
Timbalan Naib Canselor (Akademik & Antarabangsa)
Timbalan Naib Canselor (Hal Ehwal Pelajar & Alumni)
Dekan/Pengerusi/Pengarah
Ketua Bahagian/Jabatan
Universiti Teknologi Malaysia

Assalamualaikum & Salam Sejahtera,

YBhg. Tan Sri/Datuk/Dato'/Prof./Dr /Saudara,

PENGECUALIAN TATACARA PEROLEHAN BAGI DANA PENYELIDIKAN

1.0 TUJUAN

- 1.1 Pekeliling ini adalah untuk menerangkan berkaitan Pengecualian Tatacara Perolehan bagi Dana Penyelidikan sepertimana surat rasmi daripada Kementerian Kewangan Malaysia (MOF) bernombor rujukan MOF.BPK(S)600-1/10/26 JLD.3 (16) bertarikh 14 Julai 2023 telah

bersetuju supaya pengecualian tatacara perolehan bagi Dana Penyelidikan dipanjangkan kepada semua Universiti Penyelidikan (*Research University-RU*).

- 1.2 Tatacara ini telah dibawa untuk perakuan Mesyuarat Jawatankuasa Pengurusan Universiti (JPU) Bil.20/2023 pada 27 November 2023 dan Mesyuarat Jawatankuasa Kewangan Universiti Bil.4/2023 pada 6 Disember 2023 sebelum dibawa untuk kelulusan Mesyuarat Lembaga Pengarah Universiti Bil.129 pada 13 Disember 2023.

2.0 LATAR BELAKANG

- 2.1 Tujuan pengecualian tatacara perolehan ini adalah berdasarkan keperluan untuk melengkapkan penyelidikan dalam tempoh yang singkat dan penjimatan boleh dijana melalui kaedah perolehan yang diguna pakai dalam pasaran.
- 2.2 Ianya terpakai untuk semua Dana Penyelidikan yang diterima daripada Sumber Kerajaan atau selain Sumber Kerajaan sama ada dari dalam atau Luar Negara serta Sumber Dalaman Universiti bagi pelaksanaan projek/program penyelidikan sahaja.
- 2.3 Antara contoh pemberi dana Universiti adalah terdiri daripada Agensi Kerajaan Malaysia, Syarikat berkaitan Kerajaan (GLC), Syarikat Pelaburan Berkaitan Kerajaan (GLIC), Perubuhan Bukan Kerajaan (NGO), Agensi Swasta, Industri dan Komuniti.

3.0 TAKRIFAN

- 3.1 **Dana Penyelidikan** - Sumber Kewangan/peruntukan yang diagih atau disalur untuk menjalankan aktiviti-aktiviti penyelidikan.

3.2 **Sumber Kerajaan** - Peruntukan dari Kerajaan Persekutuan secara geran, pinjaman, atau sebarang peruntukan yang disalurkan oleh Kerajaan Persekutuan samada sepenuhnya atau sebahagian.

3.3 **Sumber Dalaman** – Terimaan hasil / peruntukan selain sumber Kerajaan Persekutuan.

3.4 **Syarikat Bumiputera** - Syarikat yang memenuhi kriteria yang telah ditetapkan oleh Kementerian Kewangan Malaysia.

4.0 PENGECUALIAN TATACARA PEROLEHAN BAGI DANA PENYELIDIKAN

Bagi menyokong ekosistem penyelidikan Universiti dengan mengambilkira kawalan dan prinsip perolehan seperti telus, adil, saksama serta memberikan nilai faedah terbaik, pengecualian proses perolehan bagi Dana Penyelidikan telah diluluskan bagi **tiga (3) perkara berikut:**

4.1 Pembelian Terus

4.1.1 Pembelian Terus bagi perolehan penyelidikan yang bernilai sehingga RM50 ribu tanpa mengambil kira sama ada menggunakan Sumber Kerajaan atau Sumber Dalaman Universiti Sepenuhnya dan diluluskan oleh Ketua PTJ/ Pegawai yang telah diturun kuasa secara bersurat;

4.1.2 Tatacara perolehan secara pembelian terus yang lain adalah masih berdasarkan Pekeliling Bendahari Bil.2/2020 - Polisi Perolehan & Prosedur Berkaitan Perolehan Bekalan & Perkhidmatan yang sedang berkuatkuasa.

4.2 Pengecualian Keutamaan Pelawaan dalam kalangan Syarikat Bumiputera bagi perolehan melebihi RM50 ribu hingga RM100 ribu.

4.2.1 Bagi perolehan penyelidikan bernilai melebihi RM50 ribu sehingga RM100 ribu diberikan pengecualian keutamaan pelawaan kepada syarikat bertaraf Bumiputera dengan membenarkan pelawaan kepada semua pembekal di mana syarikat bertaraf Bumiputera diberi peratus keutamaan harga (*Margin of Preference-MOP*) sebanyak 10%.

4.2.1 Tatacara perolehan yang lain adalah masih berdasarkan Pekeliling Bendahari Bil.2/2020 - Polisi Perolehan & Prosedur Berkaitan Perolehan Bekalan & Perkhidmatan yang sedang berkuatkuasa.

4.3 Rundingan Terus

4.3.1 Kaedah perolehan secara Rundingan Terus bagi perolehan penyelidikan bernilai melebihi RM50 ribu tanpa mengambilkira Sumber Kerajaan atau Sumber Dalaman sekiranya menepati salah satu kriteria seperti berikut;

- i. Kesegeraan atas kepentingan awam
- ii. Bagi maksud penyeragaman
- iii. Satu punca bekalan/perkhidmatan (Pembuat/Pemegang *Francais*)
- iv. Melibatkan keselamatan/strategik
- v. Kontrak dengan syarikat Bumiputera
- vi. Terdapat agen di Malaysia, tetapi:
 - (a) Harga yang ditawarkan melebihi 30% daripada harga prinsipal atau;
 - (b) Melebihi peruntukan yang diberikan oleh pemberi

dana

- vii. Tiada agen di Malaysia yang dilantik oleh prinsipal
- viii. Kolaborasi penyelidikan bersama rakan strategik
- ix. Atas arahan penaja secara bertulis dinyatakan di dalam dokumen perjanjian atau lain-lain dokumen bahawa syarikat atau skop tertentu bagi pelaksanaan sebarang projek/program penyelidikan.

4.3.2 Pemohon perlu mendapatkan pengesahan daripada prinsipal bagi pembuktian tiada lantikan agen di Malaysia atau sebagai agen/ pembekal tunggal.

4.3.3 Kuasa melulus bagi kaedah perolehan secara Rundingan Terus bagi projek/ program penyelidikan juga ditambahbaik mengikut had nilai dan kuasa melulus seperti berikut:

- (a) Jawatankuasa Sebutharga A (Jabatan Bendahari) bagi perolehan bernilai melebihi RM50 ribu sehingga RM500 ribu bagi PTJ selain Jabatan Timbalan Naib Canselor Penyelidikan & Inovasi (JTNCPI) / Pusat Pengurusan Penyelidikan (RMC) / Jabatan Timbalan Naib Canselor Pembangunan (JTNCN) / Seksyen Projek & Penyelenggaraan (SPP) dan bernilai melebihi RM200 ribu sehingga RM500 ribu bagi JTNCPI, RMC, JTNCN dan SPP;
- (b) Jawatankuasa Sebutharga B (Jabatan Timbalan Naib Canselor Penyelidikan & Inovasi (JTNCPI)/ Pusat Pengurusan Penyelidikan (RMC)/ Jabatan Timbalan Naib Canselor Pembangunan (JTNCN)/ Seksyen Projek & Penyelenggaraan (SPP)) bagi perolehan bernilai melebihi RM50 ribu sehingga RM200 ribu;
- (c) Lembaga Perolehan Universti bagi perolehan penyelidikan bernilai melebihi RM500 ribu.

- 4.3.4 Pegawai yang menguruskan perolehan hendaklah berusaha untuk merundingkan harga bagi mendapatkan nilai faedah yang terbaik kepada Universiti dan mendapatkan pengesahan/persetujuan kedua-dua pihak secara bertulis melalui emel atau faks sebelum dibawa untuk kelulusan.
- 4.3.5 Jawatankuasa Penilaian PTJ hendaklah menyediakan Laporan Penilaian bagi memastikan syarat-syarat perolehan penyelidikan secara Rundingan Terus dipatuhi, menilai kemampuan syarikat dengan mengambil kira pelbagai faktor seperti syarat dan kadar bayaran, diskaun, harga pasaran terbuka, keupayaan dan lain-lain kriteria yang telah ditetapkan.
- 4.3.6 Jawatankuasa Penilaian PTJ perlu memperakukan pemilihan syarikat/pembekal yang layak kepada Pihak Berkuasa Melulus berdasarkan tawaran yang terbaik dari segi harga dan kualiti mengikut keperluan PTJ.
- 4.3.7 Tatacara perolehan secara Rundingan Terus yang lain adalah masih berdasarkan Pekeliling Bendahari Bil.2/2020 - Polisi Perolehan & Prosedur Berkaitan Perolehan Bekalan & Perkhidmatan yang sedang berkuatkuasa.

5.0 PEMATUHAN

- 5.1 Kelulusan yang diberikan adalah tertakluk kepada syarat-syarat berikut:
- i. Hanya terpakai untuk perolehan yang berkaitan pelaksanaan projek/program penyelidikan sahaja;
 - ii. Peruntukan telah diluluskan dan mencukupi;
 - iii. Semua peraturan/tatacara kewangan dan perolehan yang sedang berkuatkuasa hendaklah dipatuhi;

iv. **Pengecualian diberikan sehingga 31 Disember 2024 sahaja** tertakluk kepada lawatan pematuhan oleh Kementerian Kewangan Malaysia.

5.2 Prinsip perolehan berdasarkan amalan tadbir urus terbaik (*good governance*) hendaklah dilaksanakan bagi memberi faedah terbaik kepada Universiti serta memastikan kepentingan Universiti adalah terpelihara.

6.0 PEMAKAIAN DAN TARIKH KUATKUASA

6.1 Pekeliling ini berkuatkuasa dari tarikh pekeling ini dikeluarkan sehingga **31 Disember 2024** selaras dengan kelulusan yang diberikan oleh Kementerian Kewangan Malaysia (MOF) menerusi surat bernombor rujukan MOF.BPK(S)600-1/10/26 JLD.3 (16) bertarikh 14 Julai 2023.

6.2 Pekeliling ini hendaklah dibaca bersama Pekeliling Bendahari Bil.2/2020 - Polisi Perolehan & Prosedur Berkaitan Perolehan Bekalan & Perkhidmatan.